



THE REPUBLIC OF UGANDA
MINISTRY OF HEALTH

**AINGISETA NUETAPIT
AINGITUNUN
NU IKAMUNITO**

EBOLA

September 2022



Yale *Institute for Global Health*

1. Inyo Ebola?

Erai Ebola adeka na eyari naeyangauni ekurut. Imenia ka idokolen kesi ekorete ekurut loka Ebola apak na ejaunotor kesi otunga, ido ipedori aikutun ekurut lo arai kitingakin ka itunganen yen edek Ebola. Eweya Ebola noi kotunga, eari apak na esupaana KONYE epedorio aisac arai atikokin nesi. Kelingakin amukean adekan atipet edisiar nesi aiyar itunga.

2. Ikatakini adekan yen mam ijenuneta nuka adeka kana etakanuna luce?

Adekan yen mam ijenuneta nuka Ebola etakanuna nesi mam ekori. Eyengaikin apaarasia 2 toni 21 kanu ekurut ationore.

3. Alu ijenuneta luka adeka naka Ebola?


Itunganen yen edeka Ebola ngesi itoduuni ijenuneta luta:

- Amwanis naka akuan (kodepara ido kodauni apak na ewoj)
- Ariebo naka akoik
- Ariebo naka akungin ka akuan (kacut atorob)
- Ationis ailik inyamat arai akipi
- Akou airieb noi
- Akuan ailekilek, alekanakin (acepak ailek aokot)
- Ailep (epedori araun ailep aokot)
- Akipi aikidiokor kakuan (emameete akio, eonit angajep, akonye adoponyony arai adongolol).
- Amunyo aigwamam
- Apakio ace, aii kakituk, kokumes, kakonye, kakii, nepepe ka kaidoole. Ekot aijen ebe epedori adekan aikop ekurut ngol bon arai kedepasi ijenuneta idiope arai luipu.

Obubonero bw'Ebola




Amwanis na eturyaun
kodedeng apipilu



Akou airieb



Amoorit arai
aililyang



Akuan anonokar noi




Iporotoi aireb



Alekanakin



Ebar arai ekulam lo
ejaas aokot



Aii kotoma apedono
nuka akuan

4. Epedori adekan Ebola aiku?

Eebo. Ipu arerengusio nuka adekan aiku atwanare arai keruruk ngesi adumun amukean katipe.

5. Itunganan yen ekui Ebola, epedori ngesi bobo aikor ekurut?

Mam, eroko ngesi ketwara, engicio aokot ke kolaabu loka adekis aitagogong ebe adaun ekurut kakuan ke. Konye kejaas ngun da, MAM akuak luka adeka kana ekotosi koyelosu ka luce adaun ilapio iuni ilema ca nat kitaswamaete amopiran nuka condom.

6. Epedorete aimula da aikor Ebola?

Eebo. Ekorete aimula da ekurut loka Ebola nepepe ka akipi ace nuka akuan kwape ebar, ekulam, adua, akipi nuka awate nuka angor, ekume loelelei, nepepe ka aokot. Kelomasi akipi nu toma atubetait naka amunyo naka itunganan ice, akonye, arai akituk, ekorar ekurut loka Ebola.

7. Epedori ainyinyir aikor Ebola?

Eebo. Akipi kere nu elomunete kane ejai adekan aimoriarit ainyinyir kesi edakito ekurut loka Ebola.

8. Epedori Ebola akora kotoma aimalaikin kitingasi kakanin?

Eebo, aiting akan naka adeka Ebola nesi ekori adeka na.

9. Erai do amalan itunga biai, arai mam ejokuna aitingakin akanin?

Ekot aisac aitinganakin apak na epurio Ebola arai nape ebwangunor nesi. Kimalai ijo itunga kotoma aikeikin kesi akan kon arai aimungakin akou aijaun amalan kec. Epolok nuka ijo atapit ailot akanin kon ka asabuunyu kitaswamai akipi nuelaete.

10. Ekot eong ailaikina kane ejaas itunga awojau na etia ai arai aomit eong ebe edekasi kesi Ebola?

Mam awojau na ailaikina epolok nuke. Ikopa Ebola ne itapuna ijo ikipi kakuan naka adekan. Konye, arai ijeni ijo itunganan yen iomit ijo edeka Ebola, okwe kinoma akiro ngun toma adekis naeyapiei kotoma atipet noi, ido koricak aipup nuilimokinete ijo eswamak luka adekis kangin. Kosac aitingiting arai aiminimin iboro luitaswamat adekan lo eomitai edeka Ebola.

Awea arai akora naka Ebola




Aokot



Aimula



Ebar arai acin



Ekulam



Alekan



Ainyinyir



Iboro luitaswamat adekan komam idoritai kanu alemar ekurut kamakec



Aitingiting itiang luko okutui arai ais arai ejarete arai etwakito



Igoen luirokok luka adekan

EIKOP LOKA EBOLA KOTOMA OTIANG

11. Kanu inyo mam eong anyamia akiring naka itiang luka ais?

Siri kinyam akiring naka itiang luka ais apak na ebwanganor Ebola. Eraas itiang luko okutui/ais luekorete ekurut loka Ebola noi. MAM itingi arai inyami idokolen, imwaborin, imeniai nepepe ka itiang kere luedumunio kotwakitos kokutui.

12. Italgai akiring ngin ejok arai kipooi ejok, mam ejokunar ainyam nesi?

Mam, naarai apak na amejaere, ajengere, ka atubutub akiring ngin etalakina itunga okurut loka Ebola noi. Kopone kangol nesi ikopar adeka ido nesi kibalar ebe ekot itunga aisac aitingiting arai ainyam akiring na ais arai okitui.

13. Ekot eong aisac akiring nakokutui kere arai ainyekikin ainyam idikolen ka imenia bon?

Kotoma apak naka abwangan naka Ebola, kosac ainyam akiring kere nakokutui naarai ipedori aijaikin ijo ekurut loka Ebola.

14. Epedori Ebola alomar akokorei, akinei arai akituk?

Mam. Emameete nu engicunitai nu itogogongoritos ebe epedori Ebola alomar otiang luko ore kwape akokorei, akinei ka akituk. Akiring naka ais arai okitui nesi bon erono ainyam - kiyari.

15. Ekot do eong awosikin ainyam agaria da?

Mam, eyuwara agaria noi. Emamei ajenanut erucokini Ebola ka Agaria.

16. Apedori eong aikatun Ebola kokulam ka abebelei nuka imenia?

Eebo, eraas imenia luikopete Ekurut loka Ebola. Ipedori ijo aikatun Ebola arai kiting ijo ekulam ka/arai abebelei nuka imeniai luedekasi. Kosac aitingiting imeniai ka akipi nuepote kawate kec nepepe ka abebelei kec eroko Ebola ebwanguna ido da kedau abwangan.

17. Apakio nuetepia edou, ipu imenia ido enyamete kesi emuebe. Erai do eong awosikin ainyam emuebe da?

Mam, ipedori ijo aiyatakin ainyam emuebe konye kilosi nesi ejok erok ilujakina. SIRI kinyam emuebe loekonyitos imenia.

AMUKEAN NAKA EBOLA

19. Inyo eswamai eong arai aomit eong ebe ekatu eong Ebola?

Icorakitai ijo arurukaar adekis na eyapiei kanu angicio ka adumun amukean.

20. Aibo apedora eong agweluna ekia kanu aimuke Ebola?

Emamei ekia loka Ebola. Kolingar adekis naeyapiei kanu adumun amukean arai iomit ijo ebe ikatu ijo Ebola. Ipu ijo arerengusio nuka aiku ka angaleun arai kidum ijo amukean katipe kane ejaasi ipirioitin luka angaleu. Ibuni ijo adumun agangat ka aimukee ijenuneta luka adeka kana aiyatakin arereng na ikuya ijo.

21. Apupit eong ebe icumakino adekak ipisoi ka ayananar kesi kotoma adekisia. Erai abeit?

Eraas nu akiro nuka aisab. Karai da ejaas itunga luetwakete kanu Ebola, konye ejaas lu engaleunete. Ipu arerengusio nuka aiku kegeu itunganan adumun amukean katipe sek. Adekak kere luka Ebola kesi ijaikino agangat ka amukean na ejokuna noi. Epolokit etiimu loka imurok aswam naka ayuwar ajar naka adekak ido aingarakin kesi abongor okalia kec. Kotoma adekis imukeo Ebola kwanata:

- Aitidisiar amwanis naka akuan
- Aitidisiar Apipilu
- Aitan kesi ejok
- Aiyatakin akipi
- Aimukee eikop loka adeka
- Agangat ace naingarakinet amukean na ekotokin adekan.

AIYUNETA:

22. Ebe erai abeit ebe ainyalakin etangawusi arai garlic, etungulucimu arai ginger, esike loka ao, emutugulu ka ajon arai vinegar nesi itangaleuni Ebola?

Mam, mam erai abeit. Emamei ekia lo ore loitangalei Ebola. Icorakitai ijo alosit adekis naeyapiei kajo kanu adumun agangat ka amukean arai iomit ijo ebe ikatu ijo arai itunganan ice Ebola. Epol ijo arereng naka aiku kidum ijo amukean naka Ebola kane imukeere adepar na ijo asalakin ore.

23. Ipupi iso ebe aimat ajon nesi itikokini akora naka ekurut loka Ebola. Erai na abeit?

Mam, mam erai abeit. Mam ajon itikokinete ijo aikatun Ebola arai kitalaikin ijo ne ejai ekurut. Nu abeit kesi nuta, na ikwamakina ijo aimat ajon ijaikini ijo akuan kon arorwa, akuan kon anonokaar.

24. Erai abeit ebe erai Ebola ailamasit arai iken?

Mam, mam erai abeit. Erai Ebola adeka na ikopi ekurut ido kikatunete itunga kotiang luedekasi luka ais arai okutui. Itunga lu edekasi da ikopanakinete luce itunga adeka na.

ALIMOR ERIPOOTI

25. Apedori eong aijukar esiimu lokatipet arai hotline arai aijukar akiro nuesuupaka arai SMS kanu alimor eripooti loka itunga lueomitai edekasi Ebola?

Eebo, EVD Alert lines 0762 640 374 (MTN) / 0708 062 203 (AIRTEL)

26. Kopone ali ingarakitor angicakit akonye adeka na ko Uganda?

Ejai epone loengicere kojokan itunga lueomitai ebe ekatutu Ebola kotoma aboisit adio kere kotoma akwap wok. Ejaas akwap wok ka apedori naka aingic Ebola kotoma Orionget loka Uganda Virus Research Institute ko Entebbe.

27. Apedori eong aidar adekan Ebola kore?

Mam, ibwaikin ijo aijar kon ka naka itunga lu imina ijo ka ateker kus oitelesit, naarai ikopa adeka na kotunga kapatanu noi. Adekak luka Ebola kesi ekotoi kimukei kotoma aimukeis/adekis.

NU ESWAMAU APUGAN

28. Anu ainapeta ebwaiki Apugan akwap kanu angica alotok lu elomunete Uganda?

Eministri loka Angaleu nesi ijanakini alotok kere apapulai nuka aingiseta apak na elomunata kesi Uganda. Epedorito Eswamak luka Angaleu lu ibwaikitai Oikorion luitolomunete itunga Uganda angicun adekak arai kejaunos apak na kesi alomun toma arai alomar kinga naka akwap.

29. Ainapeta anu ejaas Apugan kanu aisyarakina akiro nuka Ebola ocaaloi?

Ewuta Apugan aitlot airiamununeta nuisisianakinet apolok luka idiinin, apolok luka isomeroi ka apolok luka iryongeta lu ejaasi ocaaloi. Akes apolou ebe ipu iwaitin lu edumunatar itunga luko ocaaloi akiro nu. Iboro lueweere iyemuto kwape apapulai nualalak nuikajio arwatatin arai okito, apapulai nu ejaas akiro nuabeit arai fact sheets kesi etolomuun ido ekorio toni odistrikta lu epol arorwa na. Itaswamao Etiivi, Eredio, ibaluan luesuupaka arai SMS kanu adolokina itunga luko ocaalo.

30. Ekapakina Apugan agolokin ikoruoi ka idunyeta ke?

Mam. Enamei kwana alosikinet aigol ikoruo arai aitinang alosit naka alotok kotoma odistrikta lu abwangunor adeka na. Konye ekotoi itunga aikweny nepepe ka asalakit eraasi lu engicakinito akonye adeka na kotoma atupakinit iponesio luka aisac aikatun adeka na nepepe ka alimor kotoma adekis na eyapie idio itunganan yen eomitai edeka Ebola.

**Akiro ace nuka iponesio luka aitikokin
Adeka naka Ekurut loka Ebola:
kodolok erionget kotoma Oministri loka Angaleu loka
Health Promotion, Education and Communication
Department,
Ministry of Health**

**Kinoma eripooti adekis naeyapiei arai kiwanyu ijo itunganan
yen iomit ijo edeka katipet. ARAI Kijuka e SMS LOMAM ETACIO ne
ejai Ureport ko: 8500 arai kinoma esiimu lomam
etacio ko: 0800 100066 / 0800 203 033**

**Itolomunit e Department of Health Promotion, Education and
Communication, Ministry of Health**